

ԲՈՒՐԺՈՒԱԿԱՆ ՊԱՏՄԱՓԻԼԻՍՈՓԱՅՈՒԹՅԱՆ
ՍՆԱՆԿԱՑՈՒՄԸ

Հ. Գ. ԱՍԼԱՆՅԱՆ

Հսկկ. ՍՍՌ գիտության վստակավոր զործի:

Պատմության վերաբերյալ բուրժուական փիլիսոփայությունը (պատմա-փիլիսոփայությունը) բուրժուական ժամանակակից գաղափարախոսության առանձնահատուկ և էական բնագավառն է. առաջինի հակատագիրը երկրորդի ճակատագիրն է: Բուրժուական գաղափարախոսությունը խոր ճգնաժամ է ապրում և դա վերաբերում է բոլոր բնագավառներին՝ փիլիսոփայություն, սոցիոլոգիա, քաղաքատնտեսություն, պատմագիտություն, գեղագիտություն, բարոյագիտություն: Փիլիսոփայության բնագավառում դա արտահայտվում է ավելի ընդհանրացած ձևով: Դեգրադացիա, սոցիալական պեսիմիզմ, ծայրահեղ իդեալիզմ, ագնոստիցիզմ, իռացիոնալիզմ, ֆիզիկստական տենդենցներ, հակակոմունիստական միտումներ՝ այս է պատկերը փիլիսոփայության բնագավառում: Այս բոլորը իրենց իստացած արտահայտություններն են գտնում իմպերիալիզմի գլխավոր գաղափարական-քաղաքական հոսանքի՝ հակակոմունիզմի մեջ: Այդ գծերը թափանցում են ժամանակակից հակամարքսիստական բոլոր փիլիսոփայական հոսանքները՝ էկզիստենցիալիզմ, նեոթոմիզմ, ֆենոմենոլոգիա, նեոպոզիտիվիզմ, պրագմատիզմ և այլն:

«Անկումային երևույթներ ժամանակակից փիլիսոփայության մեջ» — այսպես է կոչվում արևմտագերմանական փիլիսոփա Պաուլ Ֆերդինանդի աշխատությունը¹: Թեև հեղինակը անկումային երևույթները վերագրում է ժամանակակից փիլիսոփայությանն ընդհանրապես և նույնիսկ հավակնում է մատնանշելու դրանց հաղթահարման ուղիները, ինչպես ասված է գրքի ենթավերնագրում, սակայն ակնհայտ է, որ խոսքը իմպերիալիզմի փիլիսոփայության մասին է, որը շղիմացավ ոչ պատմական, ոչ գիտական ստուգման: Այդ անկումը հաղթահարելու համար հեղինակի մատնանշած ուղիներից արդեն երևում է բուրժուական մտքի հետադիմությունն ու սնանկացումը: Արևմտագերմանական փիլիսոփան կոչ է անում վերադառնալ անտիկ աշխարհի խորքերը, այն է՝ սոկրատեսյան փիլիսոփայությանը: Գերմանացուն կրկներգում է ամերիկացի փիլիսոփա Հոուսթը: «Ժամանակակից փիլիսոփայության» մեթոդոլոգիական ճգնաժամը նա թվագրում է անցյալ դարի վերջերից, այն կապելով այնպիսի փիլիսոփայական հոսանքների հրապարակ դալու հետ, ինչպիսիք են էկզիստենցիալիզմը (Կյերկեգոր) և «կյանքի փիլիսոփայությունը» (Ֆ. Նիցշե, Հ. Բերգսոն, Դիլթեյ)²: Այդ ուսմունքների ընդունումը գծերից մեկը Հոուսթը հա

¹ Linke Paul Ferdinand, Niedergangserscheinungen in der philosophie der Gegenwart. Wege zur ihrer Überwindung, München—Basel—Reinhardt, 1961.

² See Holmes A. F., The Methodology of Christian philosophy, Journ. of Religion, Chicago, 1962, July, vol. 42, № 2, էջ 213—221:

մարում է ռացիոնալիզմից իռացիոնալիզմին անցնելու: Փաստը ճիշտ է արձանագրված, անկախ այն բանից, որ հեղինակը կանգնած է քրիստոնեական աշխարհայացքի դիրքերում: Արևմտագերմանական մի այլ փիլիսոփա, Պ. Հայստը՝ նույնպես քրիստոնեական էկզիստենցիալիստ, իռացիոնալիզմին ավելի ցնցում է նիհիլիզմը, այն համարելով «սոսկումի մեր դարաշրջանի գիտակցության» էական գիծը: Բնորոշ է հենց նրա դրքի վերնագիրը³: Ընչպես տեսնում ենք, հեղինակը դարձյալ խոսում է ամբողջ դարաշրջանի գիտակցության մասին ընդհանրապես: Այս ևս հատկանշական է. միշտ այդպես է լինում՝ կործանվող դասակարգերին և նրանց զաղափարախոսներին թվում է, թե ահեղ դատաստան է սպառնում ամբողջ մարդկությանը:

Նման վկայությունների թիվը շատ է: Սակայն փիլիսոփայական-իմացաբանական պրոբլեմներով ու հոսանքներով մենք այստեղ զբաղվել չենք կարող, դա առանձին թեմա է. մեզ այստեղ հետաքրքրողը պատմության փիլիսոփայությունն է: Մենք ցանկացանք միայն ընդգծել, որ հենց կապիտալիստական սիստեմի ջատագովների խոստովանությամբ խոսքը ոչ թե իր մայրամուտն ապրող հասարակարգի զաղափարախոսության առանձին բնագավառների, դպրոցների կամ կոնցեպցիաների մասին է, այլ բուրժուական մտածողության արմատական հիմքերի, ամբողջ մտքի ճղնաժամի մասին:

Էլ ավելի խտացած ձևով է արտահայտված այդ ամենը պատմափիլիսոփայության և պատմագիտության բնագավառում: Այստեղ, ասես ֆոկլորի մեջ, համախմբված են ռեակցիոն ուժերի մտքի անվորությունը, վախը՝ հասարակության Կարգացման օրելկտիվ օրենքների հանդեպ, տարրնթացությունը, հակակոմունիստական միտումները: Ընչո՞ւ: Բանն այն է, որ մեր դարաշրջանում տեղի ունեցող խոր սոցիալական պրոցեսները մեծագույն պատմափիլիսոփայական պրոբլեմներ են առաջադրում մարդկությանը: Ի՞նչ պրոցեսներ են դրանք: Վերանալով բազմահազար երևույթներից, դեպքերից, իրադարձություններից, մենք ստանում ենք հետևյալ պատկերը, որը կազմում է մեր դարաշրջանի յուրահատուկ կերպարանքը. համաշխարհային սոցիալիստական սիստեմի զոյացումն ու հաղթարշավը, ազգային-զաղութային հեղափոխությունների նորանոր հաղթանակները, ժողովրդական մասսաների ակտիվ միջամտությունը համաշխարհային իրադարձություններին, կապիտալիստական սիստեմի ճղնաժամի՝ սրումը, գիտա-տեխնիկական մեծագույն ռեույուցիան, բանվորական ու կոմունիստական շարժման աննախընթաց վերելքը:

Այս բոլորը մարդկային միտքը մզում է դեպի հետևյալ կարևոր պրոբլեմների քննարկումը. որն է պատմության ընթացքը, շարժիչ ուժերը, ինչ կապ կա անցյալի, ներկայի, ապագայի միջև, ուր է տանում հասարակական դարգացումը, ինչ ճակատագիր է սպասում մարդկությանը: Բուրժուական զաղափարախոսներին, իհարկե, ամենից առաջ զբաղեցնում է կապիտալիզմի ճակատագիրը: Դնելով այս հարցերը, մարդիկ անխուսափելիորեն ընկնում են պատմության փիլիսոփայության ոլորտը: Գիտության այս բնագավառը քննության առարկա է եղել դրեթե բոլոր միջազգային փիլիսոփայական կոնգրեսներում: Այն կազմում էր նաև XIII կոնգրեսում (Մեխիկո, 1963) քննարկվող պրոբլեմների առանցքը: Մեքսիկացի պրոֆ. Ֆրանսիսկո Հարոյոյի ղեկուցման

³ S. K. Leist P., Existenz im Nichts, Versuch einer Analyse des Nihilismus., München, 1961.

մեջ, որը նվիրված էր «Մեր դարաշրջանի քննադատությունը» հիմնական պրոբլեմին, այդ գիտության առարկայի ու նշանակության վերաբերյալ մենք գտնում ենք հետևյալ ընդարձակ դատողությունները. «Դարաշրջանի քննադատության հարցը գերազանցապես պատմության փիլիսոփայության հարց է: Այդ դիսցիպլինն իրոք հսկայական մի ջանք է՝ ըմբռնելու մարդկային հասարակության ստրուկտուրան ու զարգացման իմաստը իր տարբեր դրսևորումներով ու հաջորդական էտապներով: Մի կողմից, որպես նախնական խնդիր՝ պատմության փիլիսոփայությունը նկարագրում է կուլտուրայի տիպիկ ձևերը, որ ժամանակի ընթացքում մարդն ստեղծել է: Դա պատմության մորֆոլոգիան է: Այնուհետև, կյանքի ոճերի այդ նկարագրությանը զուգընթաց, այն անցնում է պատմության սկզբունքներին վերաբերող հարցերի քննարկմանը, որոնք են պատմության ընթացքի վճռական գործոնները, պատմական ինչ գիտելիքներով են օժտված անհատներն ու կոլեկտիվները, ով է իրականում հանդիսանում պատմության սուբյեկտը, ինչ է պատմական առաջադիմությունը կամ կուլտուրական զարգացումը, ինչ է անկումն ու ճգնաժամը, ինչ բան են անցման դարաշրջանները, ունի արդյոք համաշխարհային պատմությունը որևէ իմաստ, արդյոք մարդկային հասարակության զարգացումը զուրկ է ամեն մի իմաստից ու նպատակից: Պատմության փիլիսոփայությունը յուրաքանչյուր դարաշրջանի կյանքը ըմբռնում ու գնահատում է այն տեսանկյունով, որ որոշի դրանց ձևը (դրական, թե բացասական) մարդկային կուլտուրայի համաշխարհային զարգացման շրջանակներում: Իսկ նման բարդ պրոբլեմը մղում է դեպի պատմական մարդու ուսումնասիրություն՝ մարդու կոնկրետ կեցության հետազոտության որոշ պատմաշրջանում, երկրագնդի որոշ տեղում»¹:

Այսպիսով՝ պատահական չէ, որ պատմագիտությունը, պատմագրությունը, պատմության փիլիսոփայությունը բեկումն են իրենց վրա կապիտալիզմի գաղափարախոսների ամենանեղանդուն ուշադրությունը: Խոսքը նրանց մոտ վերջին հաշվով այդ հասարակարգի ճակատագրին է վերաբերում:

Այդ հարցերին նվիրված աշխատություններում համաշխարհային պատմության պրոբլեմների քննարկման կապակցությամբ դրսևորվում են բուրժուական մտքի բոլոր արատները. տագնապ հասարակության զարգացման ներկա ընթացքի նկատմամբ, հիասթափություն համաշխարհային ուժերի հարաբերակցության փոփոխման առթիվ, մարդկության պատմական անցյալի կեղծում, ապագայի նկատմամբ երկյուղ, պատմության օրենքների նկատմամբ վախ: Այս հողի վրա գոյացել են բազմաթիվ կոնցեպցիաներ, որոնք կեղծ լույսի տակ են ներկայացնում պատմական իմացության, հնագիտության, ազգագրության նյութերը, փորձեր են արվում դրանց օգնությամբ հիմնավորել պատմության շրջապատույտային կոնցեպցիան, հերքել կամ վարկաբեկել հասարակության զարգացման օբյեկտիվ օրինաչափության, հասարակական-պատմական առաջադիմության, կոմունիզմի համաշխարհային հաղթանակի անխուսափելիության վերաբերյալ մարքսիստական-լենինյան ուսմունքը: Հորինված են պատմափիլիսոփայական հանգուցային կատեգորիաներից մեկի՝ առաջադիմության դեմ ուղղված զանազան տեսություններ, որոնցում իմպերիալիզմի ու գաղութատիրության դիրքերից մեկնաբանվում է տարբեր ժողովուրդների

¹ Francisco Larroyo. «Problema y problemas de la critica de la epoca». Memorias del XIII Congreso Internacional de Filosofia. Mexico, 1963, էջ 169—170.

ղերը քաղաքակրթության պատմության մեջ, ամբողջ պատմությունը ներկայացվում է որպես հոգևոր մշակույթի ու արժեքների ծագման ու կործանման պրոցես, խոսվում է պատմական անխուսափելի փուլությունների մասին և այլն:

Հանգամանորեն քննարկել այդ բոլորն այստեղ հնարավոր չէ: (ավագույն դեպքում մենք կարող ենք միայն մի ամփոփ պատկերացում տալ հակամարքսիստական պատմափիլիսոփայության մասին՝ իր մի քանի զօրավ ու տենդենցներով:

Պատմության և փիլիսոփայության, պատմության և սոցիոլոգիայի փոխհարաբերության պրոբլեմը հանգուցային պրոբլեմ է, որի շուրջը եղած դատողություններում վառ կերպով երևում է հասարակության զարգացման օրյակտիվ օրենքներից փախուստ տալու, սոցիոլոգիան ու պատմափիլիսոփայությունը կոնկրետ պատմագրությունից անջատելու, դրանք մանրատված փաստերի նկարագրության վերածելու, պատմական պրոցեսը դեպքերի պատահական կուտակում ներկայացնելու միտումը: Գերմանական սոցիոլոգ Էռնստ Ցանր, քննադատելով Առնոլդ Յոյնբրիին, գրում է. «Պատմությունն, այսպիսով, կարիք չունի պատմագիտության, պատմական պրոցեսի տեսության: Այս ճիշտ է նաև մյուս գիտությունների համար: Սոցիոլոգիան նույնպես այլևս չի որոնում այնպիսի մի սկզբնապատճառ կամ սկզբնահիմք, որից կարելի լինի բխեցնել սոցիալական բոլոր երևույթները»⁵: Սա ըստ էության պատմագիտության ժխտումն է, իրադարձությունների փիլիսոփայական իմաստավորումից հրաժարվելը: «Պատմության խնդիրը, — հայտարարում է ամերիկյան պատմաբան Ջեմս Ռոդսը, — պատմելն է, փիլիսոփայությունը թողնելով ուրիշներին»⁶: Այս կերպ մտածողների համար՝ այն ամենը, ինչ որ մեկուսացված փաստերից ու պատմական հուշարձաններից դուրս է՝ դատարկ երևակայություն է: Այսպիսով պատմությունը վեր է ածվում փաստերի պարզ արձանագրության, մանրատվում է, իսկ պատմական պրոցեսի բուն ընթացքը, ուղղությունը մնում են չբացահայտված: Այս հոդի վրա զանազան սիստեմներ են կառուցվում՝ «սոցիոլոգիա» անվան տակ (հանցագործության սոցիոլոգիա, վարվեցողության սոցիոլոգիա, ֆուտբոլի սոցիալոգիա, ֆինանսների սոցիոլոգիա, հարկեցողության սոցիոլոգիա, անգամ սոցիոլոգիա այն մասին, թե ամերիկյան գինավոր օրական քանի անգամ է քանդում իր գոտին և քանի դալլոն վիսկի է խմում քաղաք զնալիս): Գոհճիկ էմպիրիզմի այս տեսակետը ընդհանուր երևվույթ է մարքսիզմի հակառակորդների շրջանում և ոչ թե հատուկ է այս կամ այն երկրին կամ ազգին, ինչպես կարծում է արևմտագերմանական հայտնի պատմաբան պրոֆ. Հ. Ռիտտերը, համարելով դա անգլիական պատմագրության առանձնահատկությունը. «Թոյնբրին իր ունիվերսալ-պատմական կոնցեպցիայով, — գրում է Ռիտտերը, — բացառություն է կազմում»⁷:

Նեղմիտ էմպիրիզմը տեղ է թողնում ամեն տեսակի կամայական ռեակցիոն եզրակացությունների համար: Սոցիալական տեսակետից այն նպատակ ունի հեռացնել հասարակայնության ուղադրությունը ինչպես կապիտալիզմի կործանման, նույնպես և կոմունիզմի պատմական անհրաժեշտության օրյակ-

⁵ E. Z a h n, A. Toynbee und das Problem der Geschichte, 1954, s. 8.

⁶ E. N. Saveth, Understanding the American Past. American History and its Interpretation, Boston—Toronto, 1954, էջ 101.

⁷ G. Ritter, Leistungen, Probleme und Aufgaben der internationalen Geschichtsschreibung (16—18 Jahrhundert). Տե՛ս՝ „Вопросы истории“, 1956, № 6, էջ 200.

տիվ օրինաչափությունների բմբռնումից: Բայց այդ մոտեցումը ոչ պատմական, ոչ գիտական քննադատության չի դիմանում: Դեռ մեծ Գյոթենն է ծաղրել Վադենբերի տիպի էմպիրիկ մտածողներին, որոնք, Գյոթենի խոսքերով, տաղտկալի ու փուշ բաներով են զբաղված, զանձեր են որոնում ազահոթյամբ և հրքավում են, երբ անձրևաորդ են գտնում: Փաստերի ու պատմական հուշարձանների երկրպագուներին լավ է հեզնել Անատոլ Ֆրանսը «Պինգվինների կղզին» իր վիպակի առաջաբանում: Այդ մեթոդի խոցելիությունը նկատել են և առարկություններ արել անգամ բուրժուական շատ մտածողներ, առաջադրելով պատմական դեպքերի տեսական ընդհանրացման անհրաժեշտությունը: «Պատմությունը,— գրում է գերմանական սոցիոլոգ Վալտեր Հոֆերը,— եթե նա ուզում է ավելին լինել, քան սոսկ ժամանակագրություն կամ վիճակագրություն, չի կարող կառավարվել առանց փիլիսոփայության, առանց քաղաքականության: Փիլիսոփայական կատեգորիաներն ու հասկացությունները, ինչպես և քաղաքական գնահատումներն ու կարծիքները, նրա կենսականորեն անհրաժեշտ տարրերն են»⁹: Այս կապակցությամբ շատ հաջող է արտահայտվում ռեալիստ մտածող, տեխնիկայի ամերիկյան պատմաբան Դրակկերը. «Պատմությունը երբեք չի բավարարվել այն բանի սոսկ արձանագրողի իր դերով, ինչ մեռած է— դա պարզապես անտիքավորիզմ է: Իսկական պատմությունը միշտ նպատակ ունի օգնելու մեզ, որպեսզի հասկանանք ինքներս մեզ, կանխատեսենք ապագան»⁹:

Պատմության գիտությունը, ասում է վերոհիշյալ Ռոտհակերը պատմաբանների XI կոնգրեսում կարգացած իր զեկուցման մեջ, չի կարող գոյություն ունենալ և հաջողությամբ զարգանալ առանց փիլիսոփայության օգնության, որովհետև յուրաքանչյուր պատմաբան գիտակցաբար թե անգիտակցաբար ելնում է որոշ փիլիսոփայական նախադրյալներից¹⁰: Խոհուն մտածողներն, իհարկե, հասկանում են, որ պատմության փիլիսոփայությունը, ուսումնասիրելով ժողովուրդների պատմական կյանքի օրենքները, զարգացման ընթացքը և ուղղությունը, հանդես է գալիս որպես պատմական իմացության մեթոդոլոգիա¹¹: Այստեղ նույնն է կատարվում, ինչ որ էնգելսը շատ վաղուց նկատել է բնագետների վերաբերյալ. «Ինչպիսի կեցվածք էլ որ ընդունեն բնախույզները, սրանց վրա փիլիսոփայությունն է իշխում»¹²: Ամբողջ հարցն այն է, թե ի՞նչ պատմափիլիսոփայություն, ինչ մեթոդոլոգիա են հրամցնում պատմաբաններին էմպիրիզմի բուրժուական քննադատները: Բանից պարզվում է, որ պատմությունն ու փիլիսոփայությունը, պատմագրությունն ու սոցիոլոգիան սերտորեն շաղկապելու մեթոդոլոգիական ճիշտ պահանջը հետևողականորեն չի կիրառվում և չի էլ կարող կիրառվել բուրժուական աշխարհայացքի գիրքերից: Բայց և այնպես չեն բխեցվում անհրաժեշտ գիտական եզրակացություններ: Մոտիկից քննելով, մենք տեսնում ենք, որ էմպիրիզմի փոխարեն մեզ հրամցնում են

⁹ Walter Hofer, Geschichte zwischen Philosophie und Politik, Studien zur Problematik des modernen Geschichtsdenkens, էջ 18:

¹⁰ Peter Drucker, Work and Tools, „Technology and culture“, t. 1, № 1, 1961, էջ 37:

¹¹ Տե՛ս „XI Congress International des sciences Historiques“, Stockholm. 21—28, août, 1960. Rapports. m. 1, էջ 3—6:

¹² Տե՛ս E. Rothacker, Geschichtsphilosophie, էջ 5:

¹³ Տե՛ս Գ Ե Լ Ս, Բնության դիալեկտիկա, էջ 213:

իդեալիզմի կամ գոհճիկ նատուրալիզմի զանազան տարատեսակները և նոր մուկ է ծնում: Բուրժուական մտքի տարրնթացությունն էլ հենց այն է, որ մարդիկ թպրտում են բազմապիսի արհեստական կոնցեպցիաների միջև, և մեր առաջ բացվում է աուելկինյան կոստյում հիշեցնող խայտադղետ, գունեղ ու ճշացող մի պատկեր. կամ բացահայտորեն ժխտվում է պատմական պրոցեսի, համաշխարհային պատմության օրինաչափությունը, կամ այն բխեցվում է սուբյեկտի գիտակցությունից, կամքից, մտադրություններից (վոլյունտարիզմ), կամ պատմության օրենքները որոնվում են պատմության ոլորտից դուրս, պարզապես՝ վերապատմական միստիկական: աշխարհում (թեոլոգիական ֆատալիզմ), կամ հասարակության վզին են փաթաթվում բնության (գերազանցապես բիոլոգիայի) օրենքները (վուլգար նատուրալիզմ):

Կեղծ գիտական էմպիրիզմը անխուսափելիորեն վերաճում է ծայրահեղ սուբյեկտիվ իդեալիզմի, որը նույնպես, ինչպես և էմպիրիզմը, ժխտում է հասարակության զարգացման օբյեկտիվ օրենքների գոյությունը, դրանք ճանաչելու, պատմական դեպքերը կանխատեսելու և դրանց վրա ներգործելու հնարավորությունը: նույն Ռոտհակերը հասարակությունը հակադրելով բնությանը (համաշխարհային տեսակետ), հայտարարում է, թե քանի որ պատմությունը մարդիկ են ստեղծում, ուրեմն պատմական իրականությունը մարդկանց (ընդ որում նա նկատի ունի փոքրամթիվ շահագործողներին) սուբյեկտիվ մոտիվների մարմնացումն է: Կարճ ասած՝ համաշխարհային պատմության բնթացքը, ուղղությունն ու բովանդակությունը ամբողջապես որոշվում են մարդկանց կամքով ու գիտակցությամբ¹³: Բնության ու հասարակության այս հակադրումը բուրժուական սոցիոլոգիայի համար ողբերգական փորձություն է հանդիսացել: Պատմության սուբյեկտիվ-իդեալիստական բմբունումը բուրժուական պատմափիլիսոփայության լեյթմոտիվն է: «Պատմությունը,—գրում է մի այլ սոցիոլոգ,—սուբյեկտիվ ստեղծագործության արդյունք է և պայմանավորված է արդիականությամբ»¹⁴: Փաստերի ստեղծողը պատմաբանն է—պնդում են իդեալիստները: «Պատմական փաստերը ամեն մի պատմաբանի համար գոյություն չունեն, քանի դեռ նա չի ստեղծել այդպիսիք»: «պատմությունը գրելը պատմություն ստեղծելու միակ եղանակն է»—այսպես է գրում անգլիական պատմաբան Կ. Պոպպերը¹⁵: Արևմտագերմանական հակամարքսիստ Օտտո Ֆայթր ոչ պակաս վճռականությամբ նույն թեղն է հռչակում. մարդը պատմության կրողն է, ասում է նա, նրա գործունեությունը՝ պատմության բովանդակությունը: Սա, իհարկե, դեռ իդեալիզմ չէ: Իդեալիզմն սկսվում է այնտեղ, երբ նա հասարակությունը հակադրում է բնությանը և առաջինի զարգացման մղիչ ուժը համարելով մարդկանց ազատ կամքը, ժխտում է որևէ օրինաչափություն:

Ֆայթի հետքերով գնում է վերը հիշատակված պատմաբան Ռիտտերը: Պատմությունը, հայտարարեց նա պատմաբանների կոնգրեսում (Հոռմ, 1955), ի հակադրություն բնության, որտեղ իշխում է անհրաժեշտությունը, ազատության թագավորությունն է. մարդը որպես ոգի՝ կերտում է պատմությունը,

¹³ Տե՛ս E. Rothacker, Logik und Systematik der Geschichtswissenschaften, Bonn, 1948, էջ 3:

¹⁴ C. Becker, Everyman His Own Historian, „The American Historical Review“, vol. XXXIII, 1932, № 2, էջ 234:

¹⁵ Տե՛ս E. K. Carr, What is History?, London, 1962, էջ 15—16:

կուլտուրան, քաղաքակրթությունը: Այստեղ ոչ մի օրինաչափություն չկա, կա դեպքերի քաոս: Պատմաբանն է այստեղ կարգ ու կանոն հաստատում: Ուստի և պատմությունը իմացության առարկա լինել չի կարող, անհնար է այստեղ ճշմարտություն հաստատել, օբյեկտիվ օրենքներ հայտնաբերել: Պատմական անցյալը, ըստ մի այլ պատմաբանի, «ձուլվում է այն ուսումնասիրող պատմաբանի հետ և ընդունում է սուբյեկտիվ բովանդակություն ու սուբյեկտիվ ձև»¹⁶: «Մարդը իր պատմության մեջ չունի մի բան, որը գոյություն ունենար նրանից անկախ, ինքնին... Պատմությունն ուսումնասիրող մարդը այնտեղ կրկին գտնում է ինքն իրեն»¹⁷, — գրում է Վալտեր Հոֆերը: Պատմությունը, ասում է մի այլ տեղ նույն հեղինակը, օբյեկտի և սուբյեկտի միաձուլումն է իմացության մեջ. հետազոտողն է ստեղծում իր հետազոտության առարկան. «սուբյեկտի կենսական սկզբունքները դառնում են օբյեկտի ըմբռնման սկզբունքներ»¹⁸: Այս հեղինակը ամեն ճիգ ու ջանք գործադրում է խարխիլու պատմական գիտության վաղուց հաստատված գետերմինիզմի գիտական սկզբունքը: «Պատմության հողի վրա պետք է միաձուլվեն հետազոտողն ու հետազոտելին»¹⁹ — կարգում ենք այնուհետև: Պատմական գիտությունից օրինաչափության, պատճառականության և այլ գիտական կատեգորիաները վտարելու այս ջանքերը քննադատաբար, թե ինքնաքննադատաբար խոստովանում է անգլիական պատմաբան Ծ. Կարրը. «Այժմ... մենք այլևս չենք խոսում պատմական «օրենքների» մասին, և նույնիսկ «պատճառ» բառը մոզայից դուրս է եկել»²⁰: Նույն ոգով է արտահայտվում ամերիկյան սոցիոլոգ Ուիլկինսը: Սուբյեկտիվիստների մոտ, — ասում է նա, — պատմական իմացությունը «տեղը զիջում է պատրանքներին ու հալյուցինացիաներին, իսկ ինքը՝ պատմաբանը ալիբի է ձեռք բերում, որը նրան թույլ է տալիս ազավաղելու և խեղաթյուրելու անցյալը»²¹: Այստեղ, իհարկե, ճիշտ է բնութագրված ժամանակակից բուրժուական պատմափիլիսոփաների մեծամասնության մտքի ուղղությունը՝ ծայրահեղ սուբյեկտիվիզմը, սոցիալ-պատմական պրոցեսների միտումնավոր մեկնաբանումը:

Մարգիկ, գրում է իր հերթին մի կաթոլիկ աստվածաբան, պատմության մեջ գործում են որպես ազատ կամքի տեր էակներ և ընդունակ են դեպքերի ընթացքը մղել իրենց ցանկացած ուղղությամբ²²:

Նման հարցադրմամբ, իհարկե, խոսք անգամ լինել չի կարող պատմության և նրա օրինաչափությունների գիտական բացատրության մասին: Մեզ հայտնի Օտտո Ֆայթը, մարքսիզմի թշնամիներից մեկը, գրում է. «Պատմության ընձեռած իմացական նյութը օրինաչափությունից զուրկ է: Պատմության հետազոտողը այնտեղ միշտ գտնում է միայն եզակին, բացառիկը, ան-

¹⁶ H. R. von Srbik, Geist und Geschichte von deutschen Humanismus bis zur Gegenwart, B. I, München—Salzburg, 1950, էջ 2:

¹⁷ Walter Hofer, Geschichte zwischen Philosophie und Politik, էջ 110:

¹⁸ W. Hofer, Geschichtsschreibung und Weltanschauung, München, 1950, էջ 411:

¹⁹ W. Hofer, Geschichtswissenschaft und Geschichtsphilosophie, München, 1950, էջ 103:

²⁰ Karr, E. What is History?, London, 1962, էջ 83:

²¹ B. J. Wilkins, Pragmatism as a Theory of Historical Knowledge, „American Historical Review“, July, 1959, էջ 878:

²² S. H. Lewis, Freedom and History, London, 1962,

դադրում փոփոխականությունը. գտնում է անկարգություն, բառս»²³։ Ֆրանսիական սոցիոլոգ և պատմաբան Ռոբերտ Մարսը հատկապես զբաղվում է պատմության էության, բնույթի ու նշանակության պրոբլեմով։ Մի շարք քննադատական դիտողություններ անելով ֆրանսիական բուրժուական պատմագիտության հասցեին, նա ստիպված է արձանագրել, որ պատմաբաններին չհաջողվեց տալ պրոբլեմի գիտական բացատրությունը և փորձում է հիմնավորել այդ Պատմությունը, նրա կարծիքով, չի էլ կարելի գիտության աստիճանի բարձրացնել և ընդհանուր օրենքներ գտնել, որովհետև դեպքերն այստեղ բարդ են, անկրկնելի և կախում ունեն պատմաբանի սուբյեկտից։ Այստեղից ելնելով, նա ևս սուսեր է ճոճում մարքսիզմի դեմ²⁴։ Էլ ավելի անմխիթար է վիճակը ըստ բուրժուական մի այլ պատմաբանի՝ Հանրի Մարրուի, որը նույնպես հավակնում է լուսաբանել պատմության իմացությունը պրոբլեմը։ Նրա աշխատությունը հենց այդպես էլ կոչվում է՝ «Պատմության իմացության մասին»։ Ժխտելով հասարակության զարգացման օբյեկտիվ օրենքները, այս «գիտնականը» փորձում է հերքել բուն պատմական գիտության՝ հասարակական դեպքերը ճանաչելու հնարավորությունը։ Պատմության բնագավառը, ասում է նա, անմատչելի է մարդու իմացության համար։ Պատմական դետերմինիզմը ստրկացնում է մարդուն, իսկ դրանից հրաժարվելը «ազատագրում» է նրան։ Եզրակացությունն այս է. «Եղի՛ր խոնարհամիտ, պատրանքներով մի՛ տարվիր, հիշի՛ր, որ դու աստված չես, այլ մարդ»²⁵։

Այսպիսով՝ էմպիրիզմն ու սուբյեկտիվիզմը միևնույն հակադիտական սոցիոլոգիայի երկու կողմերն են։ Հասարակական կյանքի օրինաչափության ու դրա ճանաչողության ժխտումը հատուկ է երկուսին էլ. պատմությունը պատահականությունների բառսի ու կամայականության թաղավորություն ներկայացնելը, պատմության՝ որպես գիտության ժխտումը, պատմության ու փիլիսոփայության միասնության խզումը հատուկ է թե՛ մեկին, թե՛ մյուսին։ Նման մեթոդի կիրառման հետևանքով պատմությունն անխուսափելիորեն վեր է ածվում հեքիաթի, իսկ պատմափիլիսոփայությունը՝ սպեկուլյատիվ կոնստրուկցիայի։ Լեյդ նկատել են անգամ մարքսիզմի հետ ոչ մի առնչություն չունեցող սոցիոլոգները։ Հասարակագիտությունը էմպիրիկ և վերացական գիտությունների բաժանելու բուն հարցադրումն անօրինական է, զրում է սոցիոլոգ Ռ. Մինզը²⁶։ Դժվար չէ նկատել այս տեսակետի կապը իմպերիալիստական պատմությունների քաղաքականության հետ. առաջինը վերջինի տեսական հիմնավորումն է, նրա գաղափարական շարժառիթը։ Եվ դա պարզ է. եթե պատմական գործիչների կամքը, ինչպես պնդում են, բացարձակ ազատ է, ավտոնոմ գործոն, որը ոչ մի հանգամանքով չի պայմանավորված, եթե նրանք կարող են դեպքերի ընթացքը շուտ տալ իրենց ցանկացած ուղղությամբ, ուրեմն ամեն ինչ կախված է իմպերիալիստների կամքից ու կամայականությունից։ Ամերիկյան պրագմատիստները հենց այդպես էլ կարծում են։ Սոցիալական կյանքը, պատմությունը, ըստ Ջոն Դյուիի, շատ պրաստիկ բան է և ազդեցիկ տերու-

²³ O. Veit, Die Flucht vor der Freiheit, 1947, էջ 33։ Նույնը գրեթե բառացի հրկնում է՝ O. Veit, Soziologie der Freiheit, 1957.

²⁴ S. H. Hours J., Valeur de l'histoire, Paris, 1954.

²⁵ Marrou H., De la connaissance historique, էջ 230։

²⁶ S. H. «American Journal of Economics and Sociology», Lancaster, 1962, July, vol. 21, № 3, էջ 281—298։

թյուններից է կախված, թե ինչ ուղղությամբ կտանեն այն և ինչպես կորոշեն ժողովուրդների ճակատագիրը: Փիլիսոփայական ու սոցիոլոգիական կատեգորիաները նա գիտում է ոչ թե որպես օբյեկտիվ իրականության արտացոլում, այլ որպես այս կամ այն մտադրությունն իրագործելու գործիք:

Սակայն կյանքը, համաշխարհային իրագործությունները ամեն քայլափոխում հիշեցնում են, որ պատմության օրենքները շատ ավելի ուժեղ են, քան իմպերիալիստների ու գաղութատերերի ռեակցիոն մտադրությունները, որ խախտել հասարակական կյանքի զարգացման օբյեկտիվ օրենքները չի կարելի: Սոցիալիստական սիստեմի անշեղ առաջընթացը, գաղութային կայսրությունների փլուզումը, կապիտալիստական սիստեմի հակասությունների խորացումը, ժողովուրդների, բանվոր դասակարգի ուսույցի շարժման հուժկու վերելքը՝ այս բոլորը վերահիշյալ գրույթի ճշտության անառարկելի ապացույցներն են: Առաջադիմության թշնամիները անգոր գտնվեցին կասեցնել այդ պրոցեսները: Հրապարակի վրա են անգամ հակակոմունիզմի ջատագովներին՝ քաղաքական գործիչների, սոցիոլոգների, փիլիսոփաների, պատմաբանների տազնապալից խոստովանություններն ու տրտունջներն այդ մասին: «Պատմությունը,—գրում է դրանցից մեկը,—ավելի ու ավելի քիչ է ներկայանում որպես մի բան, որ մենք ինքներս ենք կատարում, և ավելի ու ավելի շատ է դառնում մի բան, որն անկախ է մեր ջանքերից»²⁷:

Հիանալի խոստովանություն: Բուրժուական ինտելիգենցիայի լայն շրջանները ավելի ու ավելի են սկսում ըմբռնել դեպքերի օբյեկտիվ տրամաբանությունը և հակվել դեպի դրա ռեալիստական ըմբռնումը: Մյուսներն, ընդհակառակը, շորս կողմը սփռում են վհատության ու պեսիմիզմի տրամադրություն՝ պատերազմների, պատմական փլուզումների անխուսափելիության, ամբողջ մարդկության անկանխելի կործանման վերաբերյալ վայնասուններ: Այսպես՝ ծայրահեղ սուբյեկտիվիզմը վերածում է բստ էության միստիկական ֆատալիզմի, ֆիդեիզմի: Եվ Սա օրինաչափություն է: Հասարակական մտքի պատմությունը վկայում է, որ վտարելով գիտության օրենքները, առաջադիմության թշնամիները կառչում են կրոնի օրենքներին: Վկայություններ որքան ուզեք: «Եթե աստված է կառավարում աշխարհը,—կարդում ենք քրիստոնեական մի էկզիստենցիալիստի մոտ,—ապա ժամանակավոր քաոսն ու անհեթեթությունը վերջին հաշվով համապատասխանում են նրա նպատակին, և պատմությունը իզուր բան չէ: Բսկ եթե աստված չի կառավարում, ապա ինչպիսիք էլ որ լինեն մարդկության հաջողությունները, պատմությունը վերջին հաշվով հանգեցնում է խավարի ու վհատության»²⁸: Այսպիսի բացահայտ աստվածաբանություն են քարոզում Ժ. Մարիտենը, Ռ. Նիբուրը, Կ. Լեվիտը, Կ. Ռոսմանը և ուրիշներ: Սրանք բոլորը պատմության իմաստը որոնում են մարդու իմացության համար իբր անմատչելի միստիկական աշխարհում: Կ. Ռոսմանն, օրինակ, պատմության իմաստը համարում է աստվածային հայտնությունը, ուստի և մարդկային իմացական ընդունակություններից դուրս: «Աշխարհի արարչագործության բիրիական պատմությունը,—գրում է նա իր գրքի առաջաբանում,—ներկայումս ավելի ճշմարտացի է, քան բոլոր գիտական գիտե-

²⁷ Helbroner R. L., The Future as History, New York, 1960, էջ 35:

²⁸ Shinn R. L., Christianity and the Problem of History, New York, 1953 էջ 247:

լիքները»²⁹։ Ինչպես ասում են, սրանից դենը զնալ անհնարին է։ Քննադատության ենթարկելով պատմության սուբյեկտիվ-իդեալիստական բմբռնումը, անդլիական հայտնի պատմաբան Հերբերտ Բատերֆիլդը խորհրդածություններ անելով անցյալի ու ներկայի վերաբերյալ, այսպես է ներկայացնում պատմության կրոնական մեկնաբանումը. «Գիտության ու տեխնիկայի զարգացումը մարդկանց մոտ այն պատրանքն է ստեղծում, թե իրենք «կարող են խաղալ նախախնամության դեր, կարգավորել պատմության ընթացքը և փոխել ապագայի կերպարանքը»։ Ո՛չ։ Չարիքի, պատերազմի, խորտակման տարերային ուժերն են իշխում մարդկանց վրա. «մարդիկ, որոնք այսօր մեքենաներ են ստեղծում, գիտեն, թե ինչից են կազմված աստղերը, և կարող են լեռներ շարժել,—նույնպես անգոր են այդ ուժերի հանդեպ, ինչպես նրանց նախնիները։ հեռավոր անցյալում»³⁰։ Իսկ ո՞րն է ելքը։ Վերադառնալ քրիստոնեության գիրկը՝ այս է դեղատոմսը։ Ահա ձեզ իռացիոնալիզմի, ֆիդեիստական մտայնության, բուրժուական ամբողջ մտքի տարրնթացության պատկերը³¹։ Նման փաստերի ընդհանրացումը տրված է ՍՄԿՊ ծրագրում՝ հետևյալ կերպ. «Իմպերիալիզմի քաղաքական և գաղափարախոսական գինանոցում հարաճուն նշանակություն է ձեռք բերում կղերամտությունը» (էջ 63)։

Խուսափելով կամ անգոր լինելով բացահայտել համաշխարհային պատմության օրենքները բուն այդ պատմության մեջ, մարքսիզմի հակառակորդները հաճախ փորձում են սոցիալական կյանքը բացատրել բնական, այսինքն՝ մեխանիկական, ֆիզիկական, բիոլոգիական օրենքներով։ Այսպիսով պատմության իդեալիստական բմբռնումը լրացվում է գոեհիկ նատուրալիզմով, որը հակակոմունիզմի գաղափարախոսության էական տարրն է կազմում։ Կան բուրժուական սոցիոլոգներ, որոնք հասարակական-պատմական առաջադիմության օրենքը հերքելու մոլուցքով բռնված՝ վկայակոչում են ջերմային էներգիայի մահացման իդեալիստական տեսությունը։ Մյուսները դիմում են բիոլոգիական գուգահեռների։ Ըստ կաթոլիկական պատմափիլիսոփա Մեսների, հասարակության զարգացումը որոշվում է ազգաբնակչության բիոլոգիական աճման օրենքով³²։ Արևմտագերմանական փիլիսոփա Կինսկին գտնում է, որ պետք է վերականգնել հասարակության վերաբերյալ օրգանական (կամ անալոգիական) տեսությունը. «Ինչպես որ մարդու օրգանիզմի մեջ առանձին օրգանները ներկայացնում են բջիջների ներփակ խառնակույտեր, որոնք միասնական ամբողջական օրգանիզմի շրջանակներում կատարում են իրենց ֆունկցիաները, ճիշտ այդպես էլ հասարակության մեջ արտադրողական և բաշխո-

²⁹ K. Rossman, Deutsche Geschichtsphilosophie von Lessing bis Jaspers, Bremen, 1959, S. X.

³⁰ H. Butterfield, History and Human Relations, London, 1951, էջ 37—38.

³¹ Այս փաստերի լույսի տակ, իհարկե, անչափ զավեշտական են իմպերիալիզմի որոշ գաղափարախոսների հավակնությունները՝ ընդհանրության եզր գտնել պատմության մատերիալիստական և իդեալիստական բմբռնումների միջև, կամ շտեպնել նրանց արմատական անհարիրությունը։ Օրինակ, նրանցից մեկը գրում է. «Այժմ մեզ համար պարզ պետք է լինի, որ այն կոնֆլիկտը, որը, ինչպես կարծում են, գոյություն ունի պատմության մատերիալիստական և իդեալիստական մեկնաբանությունների միջև՝ պատրանքային է» (տե՛ս P. Gardiner, The Nature of Historical Explanation, Oxford, 1952, էջ 136)։

³² Messner J., Der Funktionar. Seine Schlüsstellung in der Heutigen Gesellschaft. Wten. 1961.

դական ապարատի առանձին մասերը կազմում են ներփակ օրգաններ»³³։ Այստեղից այդ սոցիոլոգը բխեցնում է ռեակցիոն սոցիալ-քաղաքական եզրակացություն։ անհնար է վերացնել մասնավոր սեփականությունը, հասարակության դասակարգային շերտավորումը, շահագործումը և այլն։ Ով ծանոթ է սոցիոլոգիայի պատմությանը, նա չի կարող չնկատել, որ այս տեսությունը մեծ վաղեմություն ունի և հանդիսանում է անցյալ դարի պոզիտիվիստ-սոցիոլոգ Հերրերտ Սպենսերի տեսության գրեթե բառացի վերապատումը, տեսություն, որը, ինչպես և մեր հիշատակած մյուս ուսմունքները վաղուց հերքված են մարքսիզմի, պատմության, կյանքի կողմից։ Ռոդերիկ Ջեյդենբերգը, օրինակ, հասարակական երևույթները մեկնաբանում է ֆիզիկայի, քիմիայի, բյուրեղագիտության օրենքների համամասնությամբ³⁴։ Պատմությունը վկայում է, որ սոցիալական երևույթները բնագիտական օրենքներով բացատրելուն բուրժուական գիտնականները դիմում են ամեն անգամ, երբ անզոր են կամ վախենում են դրանց բուն էությունը բացահայտելուց։

Այս է բուրժուազիայի սոցիալական փիլիսոփայության ընդհանուր պատկերը։ Եթե այս ֆոնի վրա քննարկենք, թե ինչպես են բուրժուական պատմափիլիսոփայության մեջ լուծվում այդ գիտության մյուս հանգուցային պրոբլեմները, ինչպիսիք են՝ պատմական առաջադիմության, հասարակության զարգացման շարժիչ ուժերի, համաշխարհային պատմության գլխավոր դարաշրջանների, փուլերի պրոբլեմները, — ասյա մեր առաջ շատ անմխիթար պատկեր կրացվի թե՛ գիտական և թե՛ սոցիալ-քաղաքական տեսակետից։ Բայց դրանք առանձին հետազոտության թեմաներ են։ Մի բան պարզ է. հասարակական մտքի այդ և այլ խոշորագույն հարցեր լրջորեն ու խորապես լուծվում են ու կարող են լուծվել միայն պատմության մարքս-լենինյան, այսինքն՝ դիալեկտիկական մատերիալիստական ըմբռնման դիրքերից³⁵։

БАНКРОТСТВО БУРЖУАЗНОЙ ФИЛОСОФИИ ИСТОРИИ

Г. Г. АСЛАНЯН

Засл. деятель науки Арм. ССР

(Р е з ю м е)

Философия истории занимает в современной буржуазной идеологии особое место, концентрированно отражая характерные черты ее деградации: социальный пессимизм, крайние формы идеализма, агностицизм,

³³ K i n s k y R., Naturgesetzlichkeit der Gesellschaftsordnung. Nurnberg, 1961, էջ 194.

³⁴ S e e Roderik Seidenberg, Posthistoric Man. Boston, 1957.

³⁵ Բուրժուական պատմափիլիսոփայության քննադատության կապակցությամբ մեր հոդվածում շոշափած հարցերը այժմ հատուկ կարևորություն են ստացել։ Այդ մասին են վկայում Սովետական Միության գիտությունների ակադեմիայի նախագահության կողմից քննարկված նյութերի հրապարակումը։ Տե՛ս Методологические проблемы науки. Материалы заседания президиума Академии наук СССР. Издательство „Наука“, Москва, 1964։ Այստեղ գետնիցված են ակադ. Ֆ. Իլյիշովի զեկուցումը «Բնագիտության և հասարակական գիտությունների մեթոդոլոգիական պրոբլեմները» թեմայով և դրա շուրջը տեղի ունեցած մտքերի փոխանակության նյութերը (Տե՛ս „Вопросы истории“, 1964, № 3, որի առաջին բաժինը նվիրված է պատմագիտության մեթոդոլոգիական հարցերին)։ Մենք անհրաժեշտ ենք գտնում հետազայում անդրադառնալ այդ հարցերին։

иррационализм, фидеистические устремления, антикоммунистическая направленность. Почти на всех международных философских конгрессах теоретические и политические проблемы рассматривались в философско-историческом аспекте. Этот аспект фактически был основным и на XIII конгрессе философов (Мехико, 1963), особенно в связи с проблемой «Критика нашей эпохи». Здесь, в докладах буржуазных философов, сделаны попытки охарактеризовать предмет и задачи философии истории с позиций идеалистического понимания истории.

В статье на основе зарубежных материалов обрисована картина разброда, смятения, скептицизма среди буржуазных социологов, историков, философов. Особо выделяются такие черты буржуазной философии, как лженаучный эмпиризм, крайний субъективный идеализм, изгнание законов науки и подмена их законами религии, вульгарный натурализм, т. е. попытки объяснить социальную жизнь при помощи законов механики, физики, биологии. В статье подчеркивается реакционность этих учений и их прямая связь с политикой империалистических держав.